

5/44/4

中國方志叢書·華中地方·第三七九號

據


清·張琴修，范泰衡纂
同治五年刊本

影印

四川省

萬縣志

成文出版社有限公司印行



10101435

5/14/04

中國方志叢書·華中地方·第三七九號

據

清·張琴修，范泰衡纂
清同治五年刊本


影印

四川省

萬縣志

(二)

成文出版社有限公司印行



10101436

5244/04

中國方志叢書·華中地方·第三七九號

據

清·張琴修，范泰衡纂
清同治五年刊本

影印

四川省

萬縣志

成文出版社有限公司印行



(三)



10101437

中華民國六十五年 月壹一版

萬縣志

全三冊

發行人：黃成助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

增脩萬縣志序

萬固東川一都會也自漢
胸忍羊渠以及前明萬縣
中間更名六併縣一設郡
者三置州者五其山川雄
奇幅員遼闊人物風俗都

雅常為巴東冠余嘗躡高
梁之脊陟西山之顛濯巴
江之流擷南屏之翠固已
遠矚高瞻暢然滿志而一
念都歷猶昔夢鳳奚存臨
江不遠興霸安在魯東之

流杯廢圯山谷之留題剥
蝕此外碑殘簡蠹名湮沒
而不彰者曷可勝道俯仰
憑弔感慨欷歔矣咸豐二
年春邑侯曉邨年丈以萬
志請蓋舊志之作百有餘

年於茲矣丁明府九軒學
博龔君始續脩之未盡梓
而明府移英井介三物故
雖然介三志橐既已裒然
成集而余猶尸之余將覲
然竊纂述之名乎於是三

辭不獲而初服固未改也
客有為侯言者曰萬志待
成亟矣今侯舉職先生贊
襄之不暇僕未得所以必
辭者也余曰漢晉以降代
有國史尚矣志外史也故

統志其大省志其要郡縣
志其詳夫志橐詳矣又何
加焉夫馬史班書使蔚宗
繼之而思精體大褚先生
補之而記陋文靡纂述非
異志也或以靡陋貽笑或

以精大揚芬則材之厚薄
異也今萬志急於蒐采而
鄙人謏陋十倍褚生欲以
拘牽之義續鴻衍之辭必
又為褚生笑矣且志傳信
人物重焉吾庸詎知前之

所輯悉發幽潛而毋以硤
硤亂玉耶吾庸詎知今之
所采允協輿評而無遺佚
耶如非遺則誣也其謂之
何客曰不然吾聞君子善
善也長而惡惡也短夫志

豪編士女廣任卹其取善
不謂不博然而梨棗未行
薦紳先生之徒拾其遺珠
棄璞待子起而表章者懿
好之良不可沒也夫茅拔
而茹連者常也禾盛而秀

生者偶也今子慮猶薰之
雜進是猶畏稂莠而並鋤
嘉禾惡碣砭而並擯美玉
也不亦惑乎春秋據事直
書而美惡自見傳信傳疑
真偽不能掩也斯民三代

所以直道而行而又何苛
求焉班掾之才也不能削
太史已定之書司馬子長
之良也不能脩太初以後
之紀互相因者互相待也
今志橐其無待耶鵠首鵠

尾之分次不定則談星野
者荒矣魚泉安鄉之本末
不備則述建置者疎矣風
俗不錄沿習之實則忘利
導而治化微矣兵防不溯
建營之由則狃安常而武

備弛矣及若山川壇廟戶
口坊表塋墓職官政績選
舉封蔭士女人物節孝義
行大年均不能無待於補
苴也且先生又不得以材
薄鮮夫營宮室未竣罷之